

Izvještaj o radu Uprave policije MUP-a Kantona Sarajevo za mjesec novembar 2020. godine

KRIMINALITET

STATISTIČKI POKAZATELJI

U mjesecu novembru 2020. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 370 događaja sa obilježjem krivičnog djela (što je za 87 ili 19% manje u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 154 ili 41,6% je evidentirano po poznatom izvršiocu, a 216 ili 58,4% po nepoznatom izvršiocu.

Od ukupno 154 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 47 ili 21,8% (što je za 4,7% manje u odnosu na uporedni mjesec) od čega je 21 događaj evidentiran u mjesecu novembru, a 26 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 304 obavijesti (36 više) o događajima u kojima je pričinjena neznatna materijalna šteta:

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU NOVEMBRU 2020/19. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
NOVEMBAR 2020. GODINE	370	154	216	47	26	213	7	126	95
NOVEMBAR 2019. GODINE	457	208	249	66	29	249	10	146	114
<i>uporedba</i>	-87	-54	-33	-19	-3	-36	-3	-20	-19
	-19%	-26%	-13,3%	-28,8%	-10,3%	-14,5%	-30%	-13,7%	-16,7%

U toku mjeseca novembra ove godine prijavljeno je 213 lica (36 manje), od kojih je 126 povratnika (20 manje) (ili 59,2% od ukupnog broja prijavljenih lica), sedam maloljetnika (tri manje), a 95 lica je lišeno slobode (19 manje).

Za događaje sa obilježjem krivičnog djela, koji su evidentirani u mjesecu novembru 2020. godine, prema izjavama oštećenih lica, nastupila je materijalna šteta u ukupnom iznosu od 498.125,20 KM.

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU NOVEMBARU 2020/19. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a I BiH**

KZ FBiH-a i KZ BiH-a	NOVEMBAR 2020. GODINE	NOVEM BAR 2019. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv života i tijela	16	27	-11	-40,7%	13	3	1	33,3%
Protiv slobode i prava čovjeka i građanina	16	30	-14	-46,7%	16	0	0	---
Protiv spolne slobode i morala	2	0	2	---	2	0	0	---
Protiv braka, porodice i mladeži	18	31	-13	-41,9%	18	0	0	---
Protiv zdravlja ljudi	39	38	1	2,6%	39	0	0	---
Protiv imovine	243	270	-27	-10%	38	205	46	22,4%
Protiv okoliša	2	0	2	---	2	0	0	---
Protiv opće sigurnosti ljudi i imovine	8	9	-1	-11,1%	2	6	0	0%
Protiv sigurnosti javnog prometa	6	11	-5	-45,5%	6	0	0	---
Protiv pravosuđa	2	3	-1	-33,3%	2	1	0	0%
Protiv javnog reda i pravnog prometa	13	27	-14	-51,9%	12	1	0	8,3%
Protiv podmičivanja i krivična djela protiv službene i druge odgovorne funkcije	0	7	-7	---	0	0	0	---
ZONDINOIM-a - Zakon o nabavljanju, držanju i nošenju oružja i municije	5	4	1	25%	5	0	0	---
UKUPNO	370	457	-87	-19%	155	216	47	21,8%

U mjesecu novembaru 2020. godine u odnosu na isti mjesec prethodne godine, zabilježeno je smanjenje broja registrovanih događaja sa obilježjem krivičnog djela za 87 ili 19%. Smanjenja su zabilježena u oblastima protiv imovine (za 27 događaja), slobode i prava čovjeka i građanina (za 14), javnog reda i pravnog prometa (za 14), braka, porodice i mladeži (za 13), života i tjela (za 11 događaja), itd. dok su povećana evidentirana u oblastima protiv spolne slobode i morala (za dva), okoliša (za dva), zdravlja ljudi (za jedan) i iz oblasti ZONDINOIM-a (za jedan događaj).

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom novembra 2020. godine evidentirano je 16 događaja sa obilježjem krivičnog djela iz oblasti protiv života i tijela (11 manje u odnosu na mjesec novembar 2019. godine) i to 13 po poznatom i tri po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) – dva događaja,
- ubistvo u pokušaju (član 166. U vezi člana 28. KZ FBiH) – jedan,
- teška tjelesna ozljeda (član 172. KZ FBiH) – četiri i
- lahka tjelesna ozljeda (član 173. KZ FBiH) – devet događaja.

Nadležnom tužilaštvu podneseni su službeni izvještaji protiv 19 lica, od kojih je 11 povratnika (ili 57,9%), a tri su lišena slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 16 događaja sa obilježjem krivičnog djela (14 manje) i to ugrožavanje sigurnosti – 15 i narušavanje nepovredivosti doma – jedan događaj. Prijavljeno 19 lica, od kojih je deset povratnika (ili 52,6%), a osam je lišeno slobode.

Događaji sa obilježjem krivičnog djela ugrožavanja sigurnosti evidentirani su događaji u kojima su izvršioци upućivanjem verbalnih prijetnji, pisanih - prijetećih poruka i sl. ugrozili sigurnost oštećenih lica.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu novembru evidentirao je 18 događaj sa obilježjem krivičnog djela (13 manje) i to nasilje u porodici – 16 i oduzimanje djeteta ili maloljetnika – jedan događaj. U ovoj oblasti prijavljeno je 17 lica, od kojih je osam povratnika (ili 47,1%), a deset je lišeno slobode.

PROTIV ZDRAVLJA LJUDI

Evidentirano je 39 događaja sa obilježjem krivičnog djela iz oblasti protiv zdravlja ljudi (jedan više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – četiri,
- posjedovanje i omogućavanje uživanja opojnih droga (čl. 239. KZ FBiH) – 34 i
- nepostupanje po zdravstvenim propisima za vrijeme pandemije - jedan događaja.

Nadležnom tužilaštvu podneseni su službeni izvještaji protiv 41-nog lica, među kojima je 26 povratnika (ili 63,4%) i 28 lica je lišeno slobode.

Policijski službenici Uprave policije MUP-a Kantona Sarajevo su Kantonalnom tužilaštvu Sarajevo podnijeli službeni izvještaj protiv šest lica zbog postojanja osnova sumnje da su u proteklom periodu u više navrata kupovali opojnu drogu "Marihuanu", "Extazy", „Heroin“ na raznim lokalitetima, od za sada nepoznatih lica, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga) i protiv 34 lica koja su navodila druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Extazy", „Speed“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU NOVEMBRU 2020/19. GODINE

VRSTA OPOJNE DROGE	novembar 2020. godine	novembar 2019. godine
Marihuana (paketići)	8	44
Marihuana (u gramima)	1.064,796	4.813
Heroin (paketići)	0	4
Heroin (u gramima)	106,444	6
Cannabis ulje (u mililitrima)	30	2.760
Amfetamin (paketići)	2	2
Amfetamin (u gramima)	294,734	3.658
Suboxon (tablete)	---	10
Extazy (tablete kom.)	---	223
Extazy (u gramima)	28,735	---
Speed (u gramima)	5	---
Hašiš (u gramima)	11	---
pribor sa ostacima droge (komada)	18	8

PROTIV IMOVINE

U ovom mjesecu, evidentirana su 243 događaja sa obilježjem krivičnog djela protiv imovine (38 po poznatom i 205 po nepoznatom izvršiocu) što je za 27 ili 10% manje u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 106 (15 manje),
- krađa (član 286. KZ FBiH) – 80 (isto),
- razbojništvo (član 289. KZ FBiH) – 24 (četiri više),
- oštećenje tuđe stvari (član 293. KZ FBiH) – 19 (isto),
- utaja (član 290. KZ FBiH) - šest (jedno više),
- prijevarena (član 294. KZ FBiH) – četiri (jedno više),
- teška krađa u pokušaju (član 287. KZ FBiH u vezi člana 28.) – dva (sedam manje), itd.

Nadležnom tužilaštvu podneseni su službeni izvještaji protiv 78 lica, od kojih je 58 povratnika (ili 74,3%), a 27 je lišeno slobode.

Od ukupno 205 događaja evidentiranih po nepoznatom izvršiocu iz oblasti protiv imovine naknadno je rasvijetljeno 46 ili 22,4% što je za 1,5% manje u odnosu na novembar 2019. godine.

Tokom mjeseca novembra ove godine, prema objektima izvršenja teških krađa, 32 su izvršene u stambenim objektima (isti broj), 28 u poslovnim prostorijama (devet više), 20 u motornim vozilima (otuđenja motornih vozila i “provale” u ista) (16 manje), devet na ulici (11 manje), itd.

Takođe, evidentirano je sedam otuđenja motornih vozila, a dva su pronađena i vraćena vlasnicima (od strane policijskih službenika Uprava policije MUP-a KS – vraćeno je jedno i vlasnici su pronašli jedno vozilo).

Broj otuđenih motornih vozila u odnosu na uporedni mjesec ostao je isti, a zbog postojanja osnova sumnje da su učestvovali u otuđenju motornog vozila nadležnom tužilaštvu u mjesecu novembru 2020. godine podneseni su službeni izvještaji protiv tri maloljetna lica, koja su lišena slobode.

Evidentirano je 80 događaja sa obilježjem krivičnog djela krađe (isti broj) i to na ulici 25 put, u poslovnim prostorijama - 17, u vozilima i na stajalištima GRAS-a - 14, u stambenim objektima - 12, u ugostiteljskim objektima - četiri, itd. odakle su otuđivani novčanici, mobiteli, tehnička roba, bicikli, prehrambeni proizvodi, hidrantska crijeva, itd.

Evidentirano je 14 događaja sa obilježjem krivičnog djela teških krađa na naročito opasan ili naročito drzak način (četiri manje), u kojima su izvršiocu, upotrebom fizičke snage (otimanjem i trganjem) - 13 puta i verbalnom prijetnjom u jednom slučaju, otimali mobitele, novac i tašne, a evidentirani su: na ulici - 12 puta, u sportskoj kladionici i u prodavnici - po jedan. Nadležnom tužilaštvu podnesen je službeni izvještaj protiv četiri lica, povratnika u činjenju krivičnih djela, koja su lišena slobode.

U mjesecu novembaru ove godine evidentirana su 24 događaja sa obilježjem krivičnog djela razbojništva (četiri više) i to na području slijedećih policijskih uprava: II PU – sedam (četiri više), V PU – šest (jedan više), III PU – četiri (jedan više), IV PU – četiri (isto), VI PU - dva (jedan više) i VII PU jedan događaj (isto). Nadležnom tužilaštvu podneseni su službeni izvještaji protiv sedam lica od kojih je šest povratnika (ili 85,7%), a dva su lišena slobode.

Od ukupno 24 događaja razbojništava evidentiranih po nepoznatom izvršiocu, naknadno je rasvijetljeno osam (od čega je šest događaja je iz ranijeg perioda) ili 33,3% (što je za 43,2% manje u odnosu na uporedni mjesec).

Razbojništva su izvršena prijetnjom upotrebe vatrenog oružja - 15 puta, prijetnjom upotrebe noža ili drugog oštrog predmeta – pet i upotrebom fizičke snage – četiri puta, a počinjena su u prodavnicama – 14 puta, u apotekama – četiri, na ulici – tri, na benzinskim pumpama – dva i u pošti - jedno. Otudivani su mobiteli, novac i cigarete.

PROTIV OPĆE SIGURNOSTI LJUDI I IMOVINE

Iz ove oblasti evidentirano je osam događaja (jedan manje) i to: - izazivanje opće opasnosti – sedam i nesavjesno čuvanje pasa i drugih opasnih životinja – jedan događaj, a nadležnom tužilaštvu podneseni službeni izvještaji protiv četiri lica, od kojih su tri povratnika (ili 75%), a četiri su lišena slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru – pet i u stambenom objektu – dva pri čemu je šest puta otvorenim plamenom izazvan požar i u jednom slučaju je pucano iz vatrenog oružja. Posljedice su nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je 13 događaja sa obilježjem krivičnog djela (14 manje) i to: napad na službenu osobu u vršenju poslova sigurnosti – četiri, nasilničko ponašanje – tri, nedozvoljeno držanje oružja ili eksplozivnih materija i krivotvorenje isprava – po dva, ovjeravanje neistinitog sadržaja i skidanje ili povreda službenog pečata ili znaka – po jedan događaj.

Nadležnom tužilaštvu podneseni su službeni izvještaji protiv 13 lica od kojih su tri povratnika (ili 23,1%), a šest lica je lišeno slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu novembru 2020. godine evidentirano je pet događaja sa obilježjem krivičnog djela, u kojima je učestvovalo sedam maloljetnih lica. U odnosu na isti mjesec 2019. godine smanjen je broj maloljetnih lica za tri ili 30%, a broj događaja sa obilježjem krivičnog djela za sedam ili 58,3%. Prijavljeni maloljetnici su u dobi od 14 do 16 godina – pet, od 16 do 18 godina – dva. Od ukupnog broja maloljetnika dva su povratnika u izvršenju događaja sa obilježjem krivičnog djela.

STAROSNA DOB MALOLJETNIH LICA NOVEMBAR 2020/2019. GODINU

MJESEC	od 14 do 16 god.	od 16 do 18 god.	ukupno
novembar 2020. godina	5	2	7
novembar 2019. godina	3	7	10

**STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU
UČESTVOVALA MALOLJETNA LICA NOVEMBAR 2020/2019. GODINE**

događaji sa obilježjem krivičnog djela (KZ FBiH)	novembar 2020.	novembar 2019.
lahka tjelesna ozljeda	1	2
učestvovanje u tuči	---	1
ugrožavanje sigurnosti	---	2
posjedovanje i omog. uživanja opojnih droga	1	3
teška krađa	1	1
teška krađa u pokušaju	1	1
oštećenje tuđe stvari	---	1
lažno prijavljivanje	1	---
nasilničko ponašanje	---	1
UKUPNO	5	12

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca novembra 2020. godine na području Kantona Sarajevo evidentirana su dva događaja aktiviranja minsko-eksplozivnih sredstava (jedan u novembru 2019. godine) usljed čega je nastupila materijalna šteta. Preduzimaju se aktivnosti na rasvjetljavanju ovih slučajeva i pronalaženju učinilaca.

U toku novembra 2020. godine evidentiran je jedan slučaj anonimne dojava o postavljanju eksplozivnih naprava (sedam u novembru 2019. godine), a odnosila se na tržni centar. Nakon KDZ pregleda utvrđeno je da je dojava bila lažna, a preduzimaju se aktivnosti na rasvjetljavanju ovog slučaja i pronalaženju učinioca.

JAVNI RED I MIR

U toku mjeseca novembra 2020. godine u oblasti protiv javnog reda i mira evidentirana su 1.722 prekršaja (1.389 ili 417,1% više u odnosu na isti mjesec 2019. godine), a za izvršenje navedenih prekršaja prijavljeno je 1.741 lice (1.390 ili 396% više), od čega je 31 povratnik u činjenju prekršaja.

Zbog učinjenih prekršaja u oblasti protiv javnog reda i mira izdato je 1.672 naloga i podneseno je 50 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 1.710 prekršaja (ili 99,3%), a na prekršaje koji su utvrđeni Odlukom općinskih vijeća o javnom redu i miru 12 (ili 0,7%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi između 26 i 35 godina (624), između 19 i 25 godina (610), preko 36 godina (472), i do 18 godina – 35 učinioca.

Prilikom narušavanja javnog reda i mira u mjesecu novembru 2020. godine, nije bilo teže povrijeđenih lica (isto kao u novembru 2019. godine), dok je šest lica (šest manje) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC NOVEMBAR 2020/2019.GODINA

STRUKTURA PREKRŠAJA	novembar 2020.	novembar 2019.	+ - %	
UKUPNO NALOGA I ZAHTJEVA	1.722	333	+1.389	417,1%
UKUPNO LICA	1.741	351	+1.390	396%
Prekršaji iz Zakona o prekršajima protiv JRiM:	1.710	302	+1.408	466,2%
- <i>Tuče</i>	18	34	-16	47%
- <i>Naročito drsko ponašanje</i>	40	56	-16	28,6%
- <i>Odbijanje naređenja i omalov. policijskih službenika</i>	62	30	+32	106,7%
- <i>Svađa, vika, nepristojno ponašanje</i>	50	9	+41	455,5%
- <i>Uživanje opojne droge na javnom mjestu</i>	2	5	-3	60%
- <i>Neovlaštena upotreba oružja</i>	---	1	-1	---
- <i>Paljenje petardi</i>	---	1	-1	---
- <i>Prosjačenje</i>	42	109	-67	61,5%
- <i>Ostali prekršaji iz Zakona o prekrš. protiv JRiM</i>	1.496	57	+1.439	2.524%
Prekršaji prema Odluci OV o JRiM	12	31	-19	61,3%

Prema vrsti prekršaja, najbrojniji su sljedeći prekršaji: odbijanje naređenja i omalovažavanje policijskih službenika (62 ili 3,6% od ukupnog broja), svađa, vika, nepristojno ponašanje (50 ili 2,9%), prosjačenje (42 ili 2,4%), naročito drsko ponašanje (40 ili 2,3%), tuče (18 ili 1%) i uživanje opojne droge na javnom mjestu - dva. Takođe, evidentirano je 1.496 prekršaja iz kategorije ostali prekršaji i 12 prekršaja koji su regulisani Odlukom općinskih vijeća.

U odnosu na isti mjesec 2019. godine povećan je broj prekršaja učinjenih odbijanjem naređenja i omalovažavanjem policijskih službenika, svađom, vikom, nepristojnim ponašanjem i iz kategorije ostali prekršaji, dok je broj ostalih prekršaja smanjen.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (1.680 ili 97,6% od ukupnog broja), a znatno manje u ugostiteljskim objektima (21 ili 1,2%), u trgovinama i zanatskim radnjama (dva), a na ostalim mjestima 19 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU
IZVRŠENJA ZA MJESEC NOVEMBAR 2020/2019. GODINE

MJESTO IZVRŠENJA	novembar 2020.	novembar 2019.	+ - %	
Ulice i drugi otvoreni prostori	1.680	307	+1.373	447,2%
Ugostiteljski objekti	21	13	+8	61,5%
Sportski stadioni i dvorane	---	---	---	---
Vozila javnog saobraćaja	---	---	---	---
Škole i školska dvorišta	---	4	-4	---
Trgovinske i zanatske radnje	2	---	+2	---
Ostala mjesta	19	9	+10	111,1%
UKUPNO	1.722	333	+1.389	417,1%

U odnosu na isti mjesec 2019. godine, povećan je broj prekršaja evidentiranih na ulicama i drugim otvorenim prostorima za 1.373 ili 447,2%, u ugostiteljskim objektima za 8 ili 61,5%, u trgovinama i zanatskim radnjama za dva i na ostalim mjestima za 10 ili 111,1%, dok je broj prekršaja smanjen u školama i školskim dvorištima za četiri.

U mjesecu novembru 2020. godine preduzete su mjere provođenja naredbi Kriznih štabova i s tim u vezi izdata su 1.964 prekršajna naloga, zbog nenošenja zaštitnih maski i ograničenog kretanja u periodu od 23,00 do 05,00 sati.

Na području Kantona Sarajevo u mjesecu novembru 2020. godine održano je 176 javnih skupova (113 ili 39,1% manje u odnosu na mjesec novembar 2019. godine). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 41 slučaju izvršeno je KDZ osiguranje.

POŽARI

Tokom mjeseca novembra 2020. godine, na području Kantona Sarajevo registrovana su 23 požara (10 više u odnosu na isti mjesec prethodne godine), u kojima je jedno lice poginulo. Prema statističkim pokazateljima šest požara je izazvano namjerno, pet zbog tehničkih nedostataka, jedan nehatom, dok uzroci 11 požara spadaju u kategoriju ostalih.

Objekti registrovanih požara bili su:

- Saobraćajno sredstvo -devet puta,
- Stambeni objekat - četiri,
- Pomoćni objekat – četiri,
- Ostali objekti - šest puta.

Zbog izazivanja požara nadležnom tužilaštvu podneseno je šest službenih izvještaja iz člana 323. KZ FBiH (izazivanje opće opasnosti).

SAMOUBISTVA

U mjesecu novembru 2020. godine na području Kantona Sarajevo registrovano je osam samoubistva (četiri više u odnosu na novembar prošle godine), koja su izvršena: vješanjem - tri puta, skokom sa visine - dva puta, upotrebom vatrenog oružja, upotrebom oštrog predmet i trovanjem - po jednom.

Izvršioци su sedam muškaraca i jedna žena. Muškarci su starosne dobi: preko 70 godina - tri lica, od 50 do 60 godina - dva, od 30 do 40 i od 40 do 50 godina - po jedno lice, dok je žena starosne dobi između 50 i 60 godina.

OSTALE AKTIVNOSTI

Tokom mjeseca novembra ove godine fizičkim licima izdato je 68 odobrenje za nabavku vatrenog oružja i 107 oružnih listova.

Takođe, u mjesecu novembru 2020. godine preduzimane su sve potrebne mjere i aktivnosti na obezbjeđenju neophodnih materijalno-tehničkih pretpostavki za uspješno obavljanje poslova i zadataka iz djelokruga rada Uprave policije MUP-a Kantona Sarajevo.

SAOBRAĆAJ

Na području Kantona Sarajevo u mjesecu novembru 2020. godine u odnosu na isti mjesec prethodne godine smanjen je ukupan broj saobraćajnih nezgoda, nezgoda sa materijalnom štetom i nastradalim licima i broj povrijeđenih lica.

Registrovane su 633. saobraćajne nezgode (149 ili 19 % manje), od čega je 581. sa materijalnom štetom (134 ili 18,7 % manje) i 52. sa nastradalim licima (15 ili 22,4 % manje).

Tokom mjeseca novembra 2020. godine u saobraćajnim nezgodama na području Kantona Sarajevo 62 lica su povrijeđena (17 ili 21,5 % manje), od čega šest teže i 56 lakše. U mjesecu novembru nije bilo poginulih lica (isto kao u novembru prošle godine).

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC NOVEMBAR 2020./19. GODINE

	nov. 20	nov. 19	
UKUPNO SAOBRAĆAJNIH NEZGODA	633	782	- 149 ili 19 %
Saobraćajne nezgode sa nastradalim licima	52	67	- 15 ili 22,4 %
Saobraćajne nezgode sa materijalnom štetom	581	715	- 134 ili 18,7 %
POGINULO LICA	0	0	-----
- vozači	0	0	-----
-putnici	0	0	-----
- pješaci	0	0	-----
POVRIJEĐENO LICA	62	79	- 17 ili 21,5 %
- vozači	36	40	- 4 ili 10 %
- putnici	18	19	- 1 ili 5,3 %
- pješaci	8	20	- 12 ili 60 %

U naselju je registrovano 578 saobraćajnih nezgoda (47 sa povrijeđenim licima i 531. sa materijalnom štetom), van naselja 55 nezgoda (pet sa povrijeđenim licima i 50 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU NOVEMBRU 2020. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju		4	43	531	578		4	52
van naselja		2	3	50	55		2	4
UKUPNO		6	46	581	633		6	56

Prema kategoriji puta, najveći broj saobraćajnih nezgoda registrovan je:

- na ulicama u naselju – 382. nezgode u kojima su 33 lica povrijeđena (tri teže i 30 lakše),
- na magistralnim putevima – 92. nezgode u kojima je 15 lica povrijeđeno (dva teže i 13 lakše),
- na regionalnim putevima – 54 (četiri lica lakše povrijeđena),
- na lokalnim putevima – 37 (šest lica povrijeđeno, jedno teže i pet lakše),
- na putevima koji se ubrajaju u kategoriju ostalih – 68 (četiri lica lakše povrijeđena).

POSLJEDICE SAOBRAĆAJNIH NEZGODA

U saobraćajnim nezgodama tokom mjeseca novembra 2020. godine, povrijeđena su 62 lica (17 ili 21,5 % manje), od čega šest teže (devet manje) i 56 lakše (osam manje).

STEPEN POVREDA UČESNIKA U SAOBRAĆAJNIM NEZGODAMA

- Vozači : 36 vozača je povrijeđeno: dva teže i 34 lakše,
- Putnici: 18 putnika je povrijeđeno: tri teže i 15 lakše,
- Pješaci: osam pješaka je povrijeđeno: jedno teže i sedam lakše.

Starosna struktura nastradalih lica u saobraćajnim nezgodama je slijedeća:

- Ispod šest godina – jedno lice,
- Od 6 do 17 godina – četiri,
- od 18 do 20 godine - četiri,
- od 21 do 24 godine - 10,
- od 25 do 30 godina - sedam,
- od 31 do 40 godina - 12,
- od 41 do 50 godina - 14,
- od 51 do 65 godina - sedam,
- 66 i više godina – dva,
- nepoznata starosna dob – jedno lice.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - osam lica,
- od 23 do 30 godina - pet,
- od 30 do 40 godina - devet,
- od 40 do 50 godina - devet,
- od 50 do 60 godina - pet lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih- 531 (46 lica povrijeđeno, četiri teže i 42 lakše),
- neprilagođena brzina - 95 (15 lica povrijeđeno, jedno teže i 14 lakše),
- uticaj alkohola - šest (jedno lice teže povrijeđeno),
- oštećenje puta – jedna nezgoda (bez nastradalih lica).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca novembra 2020. godine, policijski službenici Uprave policije MUP-a Kantona Sarajevo kontrolisali su:

- 12.531. vozilo i vozača (6.825 manje),
- 3.674 lica u vozilima (916 manje),
- pregledali 161. vozilo (558 manje) i 137 lica u vozilima (140 manje).

Zbog tehničke neispravnosti iz saobraćaja je isključeno osam vozila (23 manje), 121. vozač je zatečen da upravlja vozilom pod dejstvom alkohola (252 manje), 207 bez korištenja sigurnosnog pojasa (336 manje), 138 bez položenog vozačkog ispita (34 manje), 62 pod izrečenom zaštitnom mjerom (22 manje), 254 vozača su zatečena da koriste mobilni telefon tokom vožnje (68 manje) i 512 vozila je učestvovalo u saobraćaju bez važeće registracije (199 manje).

Zbog kršenja propisa iz oblasti sigurnosti saobraćaja uručeno je 12.898 prekršajnih naloga vozačima (6.920 ili 34,9 % manje u odnosu na novembar prošle godine) i podnesen 231 zahtjev za pokretanje prekršajnog postupka (55 ili 31,2 % više).

MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca novembra 2020. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručena su 4.323 prekršajna naloga (3.353 manje), upozoreno je 205 vozača (34 manje), a specijalnim vozilom "pauk" premještena su 63 vozila (204 manje).

Takođe, pješacima koji su kršili propise uručeno je 66 prekršajnih naloga (111 manje), a upozoreno je 28 pješaka (osam manje).

ZAKONITOST U RADU

Tokom mjeseca novembra 2020. godine, registrovano je pet pojedinačnih napada (tri više) na policijske službenike Uprave policije MUP-a KS. U napadima je učestvovalo pet punoljetnih lica koja su lišena slobode, među kojima je jedan migrant.

Policijski službenici Uprave policije su u mjesecu novembru 2020. godine u šest slučajeva upotrijebili silu (četiri više).

Četiri upotrebe sile su opravdane, dok je u dva slučaja postupak pravdanja upotrebe sile u toku.

Tokom mjeseca novembra 2020. godine, razmatrano je 39 predstavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 20 predstavki (pet više) provede unutrašnja istraga, za 12 predstavki je odlučeno da se izvrše provjere i prikupi dokumentacija, za četiri da su neosnovane, za jednu da se dostavi Sektoru kriminalističke policije, u jednom slučaju nadležnoj PU na postupanje, dok se u jednom slučaju Odbor proglasio nenadležnim.

Od 39 razmatranih predstavki, 23. su podnesene od strane građana, dok 16 predstavki predstavljaju saznanja iz službe.

Okončano je osam unutrašnjih istraga, od čega su tri neosnovane, u tri slučaja nije bilo dovoljno dokaza, jedna je osnovana, dok je jedna istraga zaključena ocjenom oslobađajuća.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Policajci u zajednici realizovane su slijedeće aktivnosti:

- Učesvovanje na online radionici (Webinar) na temu „Rad policije u zajednici i postkonfliktna reforma policije – Transformacija policije u cilju postizanja odgovornosti i povjerenja kod građana“ na kojem su izlagani nalazi petogodišnjeg projekta ICT4COP. (Information and Comunication Technology Comunity Oriented Policing) vođen od Norveškog univerziteta prirodnih nauka, Poljskog univerziteta Jegiellonian i Njemačkog Univerziteta prirodnih nauka;
- U okviru provođenja projekta „Program socijalizacije s pravom (PSP), realizovane su online edukativne radionice Modul I i II, za učenike srednjih i osnovnih škola na području Kantona Sarajevo;
- Nastavljena je realizacija projekta „Jačanje tužilačkih kapaciteta u sistemu krivičnog pravosuđa BiH“, u organizaciji VSTV-a BiH, a u kojem Uprava policije MUP-a Kantona Sarajevo sudjeluje kroz edukativnu radionicu „Lopov bude uvijek otkriven“;
- Održane edukativne radionice na temu: „Moj prijatelj policaj/ac/ka“ i „Djeca u saobraćaju“ za učenike osnovnih škola, itd.

Policijski službenici Uprave policije MUP-a Kantona Sarajevo su u izvještajnom mjesecu preduzimali brojne aktivnosti, mjere i radnje, a koje su vezane za pandemiju „Koronavirusa“ (COVID-19). Konstantno je vršen obilazak lica kojima je od strane Kantonalne uprave za inspeksijske poslove izrečena mjera ograničenog kretanja.

Kontinuirano je vršen obilazak ugostiteljskih objekata u cilju kontrolisanja ograničenja rada istih. Vršen je obilazak JU „Dom zdravlja Kantona Sarajevo“, pri čemu je posebna pažnja posvećena obilasku trijažnih punktova i kontakta sa dežurnim medicinskim osobljem, a u cilju poboljšanja saradnje, razmjene informacija, sprečavanja narušavanja javnog reda i mira te prevencije širenja zaraze.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 3.900 migranata.

U mjesecu novembaru 2020. godine migranti su učestovali u sedam događaja sa obilježjem krivičnog djela i to:

- Ubistvo (čl. 166. KZ FBiH)- dva događaja,
- Ubistvo u pokušaju (čl. 166. u vezi člana 28. KZ FBiH)- jedan događaj,
- Posjedovanje i omogućavanje uživanja opojnih droga (čl.239. KZ FBiH) – dva događaja,
- Krađa (čl. 286. KZ FBiH) – jedan događaj,
- Napad na službenu osobu u vršenju poslova sigurnosti(čl. 359. KZ FBiH)- jedan događaj.

Tokom mjeseca novembra 2020. godine, službenici policije proveli su ukupno 13 akcija, kontrolisali su 248 migranata, od čega 48 nije posjedovalo registracijski obrazac, dva su predata službi za poslove sa strancima radi registracije i 191 migranat je smješteno u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC NOVEMBAR 2020. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	3.900
UKUPAN BROJ KONTROLISANIH MIGRANATA	239
BROJ MIGRANATA LIŠENIH SLOBODE	4
BROJ KRIVIČNIH DJELA POČINJENIH OD STRANE MIGRANATA	7
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	14
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	13
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	186

Sarajevo, 30.12.2020. godine

Odjeljenje za odnose s javnošću